

<><><><><><>

Omar-Tourism

मुख्यमंत्री उमर अब्दुल्ला होरें सैलसफा गी जम्मू कश्मीर दी अर्थबवस्था दी रीढ़ दी हड्डी मन्नदे होई टिकाऊ सैलसफा नीति दा आह्वान कीता ऐ जेहड़ी केन्द्र शासत प्रदेश दे सैलसफा दे क्षेत्र च सैलानिएं पर केन्द्रित होऐ ते जेहदा मकसद नोजवानें लेई रोजगार दे मौके पैदा करना होवै। आकाशवाणी दे जम्मू संवाददाता नै खबर दित्ती ऐ जे मुख्यमंत्री होरें कल सिविल सचिवालय जम्मू च इक उच्च स्तरै दी बैठक दी प्रधानता कीती ते सैलसफा आले मैहकमे दे कम्मकाज दा जायजा लैता। सैलसफा सरबन्धी मैहकमे दे कमीशनर होरें मैहकमे दी उपलब्धिएं, बढ़ावा देने आली गतिविधिएं ते भविष्य दी योजनाएं बारे जानकारी दित्ती। इस दरान कश्मीर मैराथान, जी-20 शिखर सम्मेलन, एफ-4 कार शो जनेह हाल च कश्मीर च होऐ दे कामयाब कार्यक्रमें दा बी जिक्र कीता गेआ। जम्मू च सनबर्न म्यूजिक प्रोग्राम ते जेके ट्यूरिसम डवैलपमेंट कन्कलेव 2024 बारे बी जानकारी दित्ती गई।

<><><><><><>श

Rana Development

जनजातीय मामले दे मंत्री जावेद राणा होरें जनजातीय समुदाय दे कल्याण सरबन्धी विकास परियोजनाएं लेई रखे गेदे पैसे गी ओहदे लेई खर्च करने लेई गलाया जेहदे लेई ओह हैन। आकाशवाणी जम्मू संवाददाता दी रिपोर्ट मूजब राणा होरें जनजातीय मामले सरबन्धी मैहकमे आस्सेआ अपनाए गेदे तौर तरीके ते परियोजनाएं दी अमलावरी दा जायजा लैता। उलें जम्मू खित्ते दे प्रशासन गी आखेआ जे ओह नागरोटा च ट्राइबल भवन ते जम्मू खित्ते च एकलव्य आदर्श रिहायशी स्कूले गी पूरा करने च आवा'रदी रूकावटें गी दूी करन। मंत्री होरें बक्ख-बक्ख स्कीमें ते नीतिएं दी बेहतर अमलावरी पर जोर पाया तां जे जनजातीय समुदाय दा समाजिक आर्थिक सशक्तिकरण होई सकै। उनें जनजातीय मामले दे सचिव होरें गी आखेआ जे ओह जनजातीय समुदाय गी उंदे लेई बनाई गेदी स्कीमें बारे जानकार बनान तां जे एह लोक अगगे आइयै एहदे थमां लाह लेई सकन।

<><><><><><>

Rather-Special Status

जम्मू कश्मीर असेंबली दे स्पीकर अब्दुल रहीम राथर होरें आखेआ ऐ जे खास दर्जे दी ब्हाली बारे असेंबली च पास कीते गेदे प्रस्ताह गी मुत्तलका प्रशासन गी भेजी दितता गेदा ऐ। जम्मू कश्मीर दी असेंबली च हाल च विशेष दर्जे दी ब्हाली ते संविधानिक गरंटी बारे गल्लबात करने दी मंशा गी लेइयै इक प्रस्ताह पास कीता गेआ हा ते एहदे लेई संविधानिक सरिस्ते च कम्म करने दी अपील कीती गई ही। एह प्रस्ताह ध्वनिमत कन्नै पास कीता गेआ हा। बीजेपी गी छोड़ियै बाकी सब्बने पार्टिएं एहदा समर्थन कीता हा। राथर होरें संगारै श्रीनगर च समाचार माध्यमें गी दस्सेआ जे जिस दिन असेंबली च प्रस्ताह पास कीता गेआ उससै दिन असें प्रस्ताह गी मुत्तलका प्रशासन गी सौंपी दित्ता हा।

<><><><><><>

NIA Searches

राष्ट्रीय पड़ताली अजेंसी एनआईए नै कल जम्मू कश्मीर समेत 6एं राज्यें ते केन्द्र शासित प्रदेशों च फैली दिएं 9एं बक्ख-बक्ख थाहरें पर तलाशियां लैतियां न। एह कारवाई आतंकवादी ग्रुप अलकायदा आस्सेआ आतंकी गतिविधिएं ते नोजवानें गी कहर बनाइयै भारत गी अस्थिर करने दी साजश रचने दे सरबंधे च कीती गई ऐ। एनआईए दे मताबक आतंकवादी संगठन अलकायदा गी गतिविधिएं लेई पैहा उपलब्ध कराने ते उसी समर्थन देने आले मुश्तवा लोकें खलाफ कारवाई कीती गई ऐ। जम्मू च नगरोंटा कोल बजालता ग्रां च छापा मारेआ गेआ ते किश दस्तावेज ते किश होर महत्वै आली सामग्री जब्त कीती गई। कर्नाटक, पच्छिम बंगाल, बिहार, त्रिपुरा ते असम च बी छापेमार कारवाई कीती गई।

<><><><><><>

Doda Road

आजादी मगरा डोडा जिले दे पिछड़े ग्रां च शिड़क राबता बेहतर ते ब्हाल होआ8रदा ऐ। आकाशवाणी जम्मू संवाददाता दी रिपोर्ट मूजब केन्द्रीय मंत्री डॉ. जितेन्द्र सिंह होरें जेह्छे कठुआ-उधमपुर लोकसभा हल्के थमां सांसद न, होरें इस पर खुशी जाहर कीती। सोशल मीडिया मंच एक्स पर उनें आखेआ जे प्रधानमंत्री नरेन्द्र मोदी हुंदी अगुवाई च डोडा ग्रां च नमें प्रोजेक्ट आवा'रदे न। एनएचआईडीसीएल आस्सेआ मरमत बेल्ट गी जोड़ेआ जा'रदा ऐ। ताई बीजेपी नेता ते डोडा पच्छिम थमां विधायक शक्ति राज परिहार होरें सोशल मीडिया मंच एक्स पर अपने बचार सांझा करदे होई आखेआ जे दरंगा -गोहा-खलैनी शिड़क गी मंजूरी थ्होई गई ऐ ते टेंडर प्रक्रिया दा कम्म तेजिया कन्नै होआ। इस परियोजना दे पूरे होने कन्नै केई सारे लोकें गी लाह थ्होग। उनें डॉ. सिंह हुंदा एह्दे लेई आभार जताया ऐ।

<><><><><><>

JK Wather Update

मौसम विभाग आस्सेआ दित्ती गेदी जानकारी मूजब जम्मू खित्ते च कल दिने दा बद्धोबद्ध तापमान 26.4 डिग्री ते घट्टोघट्ट तापमान 14.5 डिग्री सैल्सियस दर्ज कीता गेआ। जम्मू खित्ते च कल 8.1 मिलीमीटर बरखा बी दर्ज कीती गई। जम्मू ते एह्दे आले दुआले दे इलाकें च रातीं होई दी बरखा ते ऐनगड़ा पौने करी तापमान च गिरावट आई ऐ। एह्दे कन्नै हवा दी गुणवत्ता च बी सुधार होआ ऐ। पिछले किश दिनें थमां एह खराब बनी दी ही। जम्मू ते कश्मीर दिएं उच्चिएं धारें पर हल्की थमां दरमेयाने दर्जे दी बर्फबारी होइ ऐ। दक्खनी कश्मीर गी राजौरी ते पुंछ जिले कन्नै जोड़ने आली मुगल रोड ते बांडीपोरा गुरेज शिड़क उच्चिएं धारें पर होई दी ताजा बर्फबारी करी गडिडिएं दी आओजाई लेई आरजी तौर पर बंद करी दित्ती गई ऐ। यातायात मैह्कमे दे अधिकारी नै आकाशवाणी गी दस्सेआ जे सोनामर्ग ते कर्गिल राष्ट्रीय जरनैली शिड़क बी ताजा बर्फबारी करी बंद करी दित्तर गई ऐ। जम्मू श्रीनगर राष्ट्रीय जरनैली शिड़क दौनें भेठा दा गडिडिएं दी आओजाई लेई खुल्ली दी ऐ। मौसम विभाग नै अगले त्रऊं दिनें तगर मौसम दे खुश्क बने रौहने दी पेशगोई कीती ऐ।

<><><><><><>

Women Hockey

महिला एशियाई हॉकी चैंपियन ट्रॉफी च अज्ज भारत दा मकाबला त्रै बारी जेतु रेई चुकी दी दक्खन कोरिया दी टीम कन्नै होग। बिहार दे राजगीर हॉकी स्टेडियम च कल भारत नै अपने पैहले पैहले मैच च मलेशिया गी चार—सिफर कन्नै हराई दित्ता। मलेशिया टीम भारत दी डिफेंस लाइन दे सामने टिकी नेई सकी ते केई पेनल्टी कार्नर मोहाने दे बावजूद बी भारतीय टीम उंदे चा त्रै गै गोल च बदलने च कामयाब रेई। संगीता कुमारी दे शानदार अखीरी गोल नै पिदले चैंपियन भारत दी जित्त पक्की करी दित्ती। एह्दे शा पैहले प्रतियोगिता दा शुरूआती मैच जेहड़ा जापान ते कोरिया बश्कार खेडेआ गेआ, दो—दो दी बरोबरी पर ड्रा रेआ।

<><><><><><>